



Breviarium Chronologicum Veteris Testamenti Rerum Gestarum

Ab Orbe condito Vsque ad Christum natum Synopses complectens.
Xenivm Academicæ Sodalitati Dominorum, B.M.V. Annuntiatae Herbipoli
oblatum

Aetas Regalis : Complectens Synopses Sacræ & Profanæ Historiæ a
Samuelo & Regum Hebræorum initio, usq[ue] ad finem captivitatis
Babylonicæ, & initium Persicæ Monarchiæ

Gartner, Michael

Herbipoli, 1696

Pontifices Hebræorum.

[urn:nbn:de:hbz:466:1-65112](https://nbn-resolving.org/urn:nbn:de:hbz:466:1-65112)

8 *Ætas IV. ab an. m. 2940.*

Nohesta filia *Elnathan* de *Jerusalem*
SALATHIEL filius *Iechonia* natus an.
m. 346. in *Babylone* juxta computum
Tornielli anno exilij sive transmigra-
tionis 26, ante Christum 592. * *ZO-*
ROBABEL filius *Salathielis* natus
Babylone an. m. 3499. anno transmi-
grationis secundum *Torniellum* 6
ante Christum 554. de quo plura et
te quinta, cui ille veluti *Phosphorus*
novæ diei post longam exilij noctem
præluxit Messiaæ nobilitatem extra *Ba-*
bylonem reparaturus.

§. 2. Pontifices Hebraorum.

Defuncto *Heli* & filijs ejus hosti-
fero sublatis an. m. 2939. Pon-
tificatus in nepote perseveravit: fu-
ergo Pontifex ordine XII. *ACH-*
TOBUS frater *Ichabotti*; hi duo enim
filij *Phinees* reperiuntur, de filiis au-
tem *Ophni* in *Scriptura* perpetuum
lentium est. Pontifex factus est an.
m. 2940. res ab eo gestæ prorsus ob-
scuræ sunt, ejus quippe luminibus,
Torniellus, claritas *Samuelis* judicis
& Pro-

tere ad secretam unctionem absque suscipione licebat; quando tamen publice ungebantur coram populo, tunc ab ipsis quoque Prophetis oleum Pontificium adhibebatur.

XIV. ABIATHAR filius *Achimelech* (qui fugiens in Ceilam cum Pontificio *Ephod* maturè manibus *Saulis* evaserat) naturæ & legis jure successit an. m. 2974. & cum secum Pontificium *Ephod* præcipuum insigne hujus officii ac dignitatis gereret, verus quoque Pontifex fuit: quisquis demùm alius ille est, qui à *Saule* constitutus in *Gabaon*, quo post vastatam urbem *Nob* Sanctuarium jubente *Saule* translatum est, vicario munere pro *Abiathare* functus fuit. Erat hic *Abiathar* in Consiliariis Regis *Davidis* merito dignitatis suæ & prudentiæ facile primus, & utebatur eo Rex per annos 46. præcipuè ad consulendum Dominum: sed quia demùm participem se fecerat conjurationis *Adonia* contra *Salomonem*, ob hanc causam lubricæ aulæ gratiâ excidit, & jubente *David*

de, m.

de, ac *Nathane* Propheta negotium hoc ex voluntate Domini pertractante exauctoratus, & unà cum *Ephodo* Pontificiâ dignitate exutus est an. m. 3021. ornamentis & Sacris honoribus *Sadoco* æmulo suo collatis; cumque in ordinem redacto, vivente adhuc *Davide* Hierosolymis commorari liceret, eodem mortuo in pagum suum *Anathoth*, quanquam ob iteratam cum *Adonia* conjurationem mortis reus, vitâ tamen ob antiqua merita donatus, & urbe regia amandatus est, ubi exilium paulo post morte finivit.

XV. SADOCH an. m: 3021. Pontifex inauguratus & inunctus à *Nathane* Propheta, eodem anno inunxit *Salomonem* cum totius populi exultatione, fuitq; particeps curarum & laborum, quos in ædificando tēplo Domini impendit. Nunquã templi hostiarum cruore lustratum largiùs, & nunquam perspicuè magis à gloria Domini sub nebula illustratum fuit, quam sub pontif.

tifice *Sadocho*. Felicissimus igitur hic summus sacerdos fuisset, nisi videre. mul debuisset, quod Rex suus *Asmo-dæi* quam *DEI* veri legibus, quem tot antè Sacrificijs adoraverat, obsequetior factus, idolorum suorum, id est concubinarum suarum idola colere, & delubra erigeret infanus tot Venerum cultor. Obijt in pontificatu an. m: 3059.

XVI. ACHIMAAS *Sadoci* filius an. m: 3059. ante Christum 994. jam grandis natu, puta 75. annorum Pontifex factus, est que hic idem *Achimaas*, qui *Basemath* filiam *Salomonis* uxorem duxit; neque enim indecorum fuit filium summi sacerdotis, & ejusdem Magistratus successorem junctum fuisse affinitate cum tribu Regia. De hoc *Achimaas*, cum esset adhuc junior, & nuncia earum rerum afferret ad *Davidem*, quæ in urbe agebantur ab *Abstone*, Hierosolymis pulso patre, rebeli ferocia bacchante, ita *Davidem* testatum esse legimus 2. Reg: 18. *Virbo*

mus est, & nunquam portans bonum. Gessit pontificatum sub *Reboamo*, & suscipari possumus quoniam contrarium de illo in Scriptura non invenitur, eum in rege impio ac populo arguendo suo officio non de fuisse.

XVII. AZARIAS filius *Achaima* cui successit an: 3077. Regnante *Abia*, sub quo & sub *Asa* pontificatum gessit. *

XVIII. JOHANAN filius *Azaria*, quem Scriptura vocat *Ionan* per contractionem, & Josephus *Ioram*, ac Chronicon Hebræum *Ioam* adeo ni mirum injuria temporum res gestas & hujus & aliorum pontificum silentio obruit, ut nequidem nominibus pepercit, sed & ipsa magnâ parte corruerit. Pontifex fuit sub regibus *Asa* Judæ, & *Baasisâ* Israelis *

XIX. AZARIAS filius *Iohana* sub regibus *Iosaphato* Judæ & *Achabo* Israël. *

XX AMARIAS filius *Azaria* in serie Aaronitarum pontificum factus sum.

summus sacerdos sub regibus *Joram*
Judæ & *Joram* Israël^s *

XXI JOJADAS filius *Amaria* filii
Athalia & *Jehu* & post occisam *Athalia*
am sub rege Judæ *Joas* *

Fuit hic Jojadas Pontificum clarissimus, & de Sacra Republica Judæorum optimè meritus, qui idololatriam patriæ pestem è regno sustulit, qui *Athalia* regni facem ac turbinem Regij Sanguinis hirudinem folio exturbavit, & legitimum in eo Regni hæredem collocavit, mortuus in senectute bona, cujus vitæ periodum Scriptura 130. annis complectitur, Plenus antiquæ fidei & probitatis, quem ideo *Joas* grato pioque animo in majorum suorum sepulchris insigni cum gloria condidit an. mundi 3184. ante Christum 869.

XXII. PEDAJAS filius *Jojada*, quem Josephus *Phisiam* vocat, successit patri in Pontificatu sub *Joas* Judæ & *Joachaz* Israël Regibus, infelix hæres Sacri honoris; Vidit enim
Regem

Regem brevioblitum Jojadæ, à principibus aulæ depravatum : vidit, *Hazaëlem* Regem Syriæ Hierosolymis imminentem, & ultorem facinoris impiorum : vidit templum Domini spoliatum & pollutum innocuo *Zacharia* Sanguine. Fuisse tamen virum bonum tum *Jojadas* Pater, tum *Zacharias* Frater, idemque Sacerdos & Propheta facile persuadet.

XXIII. SEDECIAS successit *Pedaia* & Pontificatum gessit sub Regibus *Amasia* Judæ & *Joaso* Israël. *

XXIV. JOEL quem Josephus etiam *Julum* appellat, inflexâ fortassè adulatoriè *Joëlis* Hebræi in *Julum* Romanum voce, & quia constat Pontificem, qui Regi *Ozia* restitit in templo, dictum fuisse *Azariam*, idèd *Salianus* hunc binominem fuisse autumat, vel etiam quod alii sentiunt, nomen *Azaria* appellativè sumi, quod significat auxilium Domini, uti in Duce itineris *Tobiæ*, sicut & aliis nomen *Azaria* substitutum legimus, Sub *Joë*
le, au.

le autem viguisse, si unquam alias, & cerdotalem auctoritatem, ejus ceteris Rege *Ozia* contentio, & zelus profanis ritibus apertè declarant. Pontificatum gessit sub *Ozia* Judæ & *Joabamo II.* Israël's Rege.

XXV. JOATHAMUS Pontifex fuit sub Regibus *Joatham* Judæ & *Phacee* Israël's. * XXVI. URIAS Pontifex fuit sub Regibus *Acha* Judæ & *Osee* Israël's. * XXVII. NERIAS Pontifex fuit sub Regibus *Ezechia* Judæ & *Osee* Israël's. * XXVIII. OSAIM quem *Josephus* *Odeam* vocat, Pontificatum gessit sub *Manasse* impio. * XXIX. JOAKIM dictus alio nomine, quod habetur in historia *Judithæ*, *Eliakim*, Pontifex fuit sub *Manasse* temporibus *Judithæ* & *Holofernis* circa an. m. 3334. * XXX. SELLUM à *Josepho* *Saldumus* dictus sub rege *Amon*. * XXXI. HELEIAS filius *Saldami* sub rege *Amon*. * XXXII. AZARIAS filius *Helcia* & Pater *Saraiæ*, Pontificatum gessit sub *Joakimo* Rege. * XXXIII.

XXXIII. SARIAS sub rege *Sedecia* occisus, fuit à Chaldæis in urbis oppugnatione & templi devastatione an. m: 3446. cum enim Chaldæi expilatis privatis ac publicis ædificijs Hierosolymæ flammas subijcerent, exire coacti sunt è cavernis suis, qui mortis aut suppliciorum metu occultissimas latebras tenuerunt, in quibus fuerunt *Saraias* Pontifex, & *Sophonias*, qui ejus vices gerebat, & alii primarii, & è vulgo 60. viri, quos *Nabuzardan* deduxit ad Regem in Reblata, ubi interfecti sunt.

XXXIV. JOSEDECUS filius *Saraias*, hic Patri nudo titulo Pontificatus successit; nam & ipse captivus ductus est, quando *transtulit Dominus Iudam & Ierusalem per manus Nabuchodonosoris*, & sustinuit per annos 70 desolationis & captivitatis ærumnas apud Chaldæos usque ad an. m. 3517. ante Christum 536, qui primus fuit annus soluxæ captivitatis, & quintæ mundi ætatis.

§ 3. Re-